



服部文庫
117
84
/



117
84
1

正續博物志序

余曾見事文類聚及諸家註中
有出博物志者思欲一見全書
以廣見聞者久矣歲戊子冬以
賀正赴

天朝行至山海關以張華李石兩
志來賣者遂購得之萬里行邁

無暇寓目挈而東歸居閑處獨披閱再三天地之高厚日月之晦明四方人物之不同昆虫草木之微妙者無不備載自昔物理之難究者盡在胸中開豁無碍正如披雲霧觀青天可樂也然常以未獲廣布未與人共之

為嫌今年謬應

朝命出按湖南巡到帶方乃與主倅共論幽頤語及博物志遂以兩帙囑之俾鈔諸梓閱數月功訖倩工印之從容蘊繹前日未盡料理者融會無餘不知我為張李張李為我也世之博雅君

于如以沉之筆談段之雜俎粗
參而考之則其於研窮衆理何
有哉

嘉靖辛卯良月下浣鏡湖居士崔

世節介之書

博物志卷之一



晉司空張華茂先撰

汝南周日用等注

余視山海經及禹貢爾雅說文地志雖曰悉
備各有所不載者作略說出所不見粗言遠
方陳山川位象吉凶有嶽諸國境界犬牙相
入春秋之後並相侵伐其土地不可具詳其
山川地澤略而言之正國十二博物之士覽
而鑑焉

地理略自魏氏日已前夏禹治四方而

制之

河圖括地象曰地南北三億三萬五千五百里
地部之位起形高大者有崑崙山廣萬里高
萬一千里神物之所生聖人仙人之所集也
出五色雲氣五色流水其泉南流入中國名
曰河也其山中應于天最居中八十城布統
之中國東南隅居其一分是城好城也
國之城左濱海右通流沙方而言之萬五千
里東至蓬萊西至隴右右跨京北前及衡岳
堯舜土萬里時七千里亦無常隨德劣優也

堯別九州舜為十二

秦前有藍由之鎮後有胡苑之塞左嶠函右隴

蜀西通流沙險阻之國也

蜀漢之土與秦同城南跨印笮北阻褒斜西即

隈礙隔以劍閣窮險極峻獨守之國也

周在中樞西阻峭谷東望荆山南面少室北有

太嶽三河之分雷風所起四險之國也

魏前枕黃河背障水瞻王屋望梁山有藍由之

寶浮池之淵

趙東臨九州西瞻恒嶽有沃濕之流飛壺井陘

之險至于潁陽涿鹿之野

燕却背沙漠進臨易水西至君都東至於遼長

蛇帶塞險陸相乘也

齊南有長城巨防陽關之險北有河濟足以為

固越海而東通于九夷西界岱嶽配林之險

坂固之國也

魯前有淮水後有岱嶽蒙羽之向洙泗之流太

野廣土曲阜尼丘

宋北有泗水南迄睢過有孟諸之澤碭山之塞

也

楚後背方城前及衡嶽左則彭蠡右則九疑有

江漢之流實險阻之國也

南越之國與楚為鄰五嶺已前至于南海負海

之邦交趾之土謂之南裔

吳左洞庭右彭蠡後濱長江南至豫章水戒險

阻之國也

東越通海處南北尾閭之間三江流入南海通

東治嵩海深險絕之國也

衛國跨于河北得洪水南過漢上左通魯澤右

指黎山

讚曰

地理廣大

四海八方

遼遠別域

略以難詳

侯王設險

守固保疆

遠遮川塞

近備城隍

司察奸非

禁禦不良

勿恃危阨

恣其淫荒

無德則敗

有德則昌

安屋猶懼

乃可不亡

進用忠良

社稷永康

教民以孝

舜化以彰

○地

天地初不足故女媧氏鍊五色石以補其闕斷

鼇足以立四極其後共工氏與顓頊爭帝而

怒觸不周之山折天柱絕地維故天後傾西

北日月星辰就焉地不滿東南故百川水注

焉

崑崙山北地轉下三千六百里有八玄幽都方

二十萬里地下有四柱四柱廣十萬里地有

三千六百軸犬牙相舉

泰山一曰天孫言為天帝孫也主召人魂魄東

方萬物始成知人生命之長短

考靈耀曰地有四遊冬至地上北而西三萬里

夏至地_下南而東三萬里春秋二分其中矣
地常動不止譬如人在舟而坐舟行而人不
覺七戎六蠻九夷八狄形總而言之謂之四海
言皆近海海之言晦昏無所覩也
地以名山為輔佐石為之骨川為之脉草木為
之毛土為之肉三尺以上為糞三尺以下為
地

○山
五嶽華岱恒衡嵩
按北太行山而北去不知山所限極處亦如東

海不知所窮盡也

石者金之根甲石精流以生水水生木木含火

○水

漢北廣遠中國人歎有至北海者漢使驃騎將
軍霍去病北伐單于至瀚海而還有北海明

矣周日用曰余聞北海言蘇武牧羊之所去
矣年德甚通祗一地號北海蘇武牧羊常在
於耳北地見有蘇
武湖非北溟之海

漢使張騫渡西海至大秦西海之濱有小崑崙
高萬仞方八百里東海廣漫未聞有渡者
南海短狹未及西南夷以窮斷今渡南海至交

趾者不絕也

史記封禪書云威宣燕昭遣人乘舟入海有蓬萊方丈瀛州三神山神人所集欲採仙藥蓋言先有至之者其鳥獸皆白金銀為宮闕悉在渤海中一去人不遠

四瀆河出崑崙墟江出岷山濟出王屋淮出桐栢

八流亦出名山渭出鳥鼠漢出蟠冢洛出熊耳涇出少室汝出燕泉泗出涪尾沔出月台次出太山水有五色有濁有清汝南有黃水華

山有黑水汙水淵或生明珠而岸不枯山澤通氣以興雷雲氣觸石膚寸而合不崇朝以雨

江河水亦名曰泣血道路涉骸於河以處

山水揔論

五嶽視三公四瀆視諸侯諸侯賞封內名山者通靈助化位相亞也故地動臣叛名山崩王道訖川竭神去國隨已亡海投九仞之魚流水涸國之大誠也澤浮舟川水溢臣盛君衰百川沸騰山冢卒崩高岸為谷深谷為陵小

人握命君子陵遲白黑不別大亂之徵也
接神契曰五嶽之神聖四瀆之精仁河者水之
伯上應天漢太山天帝孫也主召入魂東方
萬物始成故知人生命之長短

○五方人民

東方少陽日月所出山谷清其人佼好

西方少陰日月所入其土窳冥其人高鼻深目

多毛

南方太陽土下水淺其人大大口多微

北方太陰土平廣深其人廣面縮頸

中央四析風雨交山谷峻其人端正

南越巢居北朔穴居避寒暑也

東南之人食水產西北之人食陸畜食水產者

龜蛤螺蛤以為珍味不覺其腥臊也食陸者

狸兔鼠雀以為珍味不覺其膾也

有山者採有冰者漁山氣多男澤氣多女平衍

氣仁高凌氣犯叢林氣蹙故擇其所居居在

高中之平下中之高則產好人

居無近絕溪群塚振蟲之所近此則死氣陰匿

之處也

山居之民多癭腫疾由於飲泉之不流者今荆南諸山郡東多此疾瘴由踐土之無鹵者今江外諸山縣偏多此病也盧氏曰不然也及吳楚無此病蓋南出黑水水土然也如是不流泉井果尤無此病也

○物產

地性含水土山泉者引地氣也山有沙者生金有穀者生玉名山生神芝不死之草上芝為車馬中芝為人形下芝為六畜土山多雲鐵山多石五土所宜黃白宜種禾黑墳宜麥黍蒼赤宜菽芋下泉宜稻得其宜則利百倍

和氣相感則生朱草山出象車澤出神馬陵出黑舟阜出土恠江南大貝海出明珠仁主壽昌民延壽命天下太立

名山木川孔穴相內和氣所出則生石脂玉膏食之不死神龍靈龜行於穴中矣

神宮在高石沼中有神人多麒麟其芝神草有英泉飲之服三百歲乃覺不死去瑯琊四萬五千里

三珠樹生赤水之上

負丘山上有不死樹食之乃壽有赤泉飲之不

老多人，蛇為人害，不得居也。

三千里

博物志卷第一

[Faint bleed-through text from the reverse side of the page]

博物志卷第二

晉司空張華茂先撰

女南周日用等注

○外國

夷海內西北有軒轅國在窮山之際其不壽者
八百歲渚沃之野鸞自舞民食鳳卵飲甘露
白民國有乘黃狀如狐背上有角乘之壽三千
歲

君子國人衣冠帶劍使兩虎民衣野絲好禮讓
不爭土千里多薰華之草民多疾風氣故人

不番息好讓故為君子國

三苗國昔唐堯以天下讓於虞三苗之民非之帝殺有苗之民叛浮入南海為三苗國

驩兜國其民盡似仙人帝堯司徒驩兜民常捕海島中人面鳥口去南國萬六千里盡似仙人也

大人國其人孕三十六年生白頭其兒則長大能乘雲而不能走蓋龍類去會稽四萬六千里

厭光國民光出口中形盡似猿猴黑色

結曾國有滅蒙鳥奇肱民善為挾扛以殺百禽能為飛三從風遠行湯時西風至吹其車至豫州揚破其車不以視民十年東風至乃復作車遣返而其國去王門關四萬里

羽民國民有翼飛不遠多鷲鳥民食其卵去九疑四萬三千里

穿曾國昔禹平天下會諸侯會稽之野防風氏後到殺之夏德之盛二龍降之禹使范成光御之行域外既周而還至南海經房風房風之神二臣以塗山之戮見禹使怒而射之迅

風雷雨二龍昇去二臣恐以刃自貫其心而死禹哀之乃拔其刃療以不死之草是為穿曾民

交趾民在穿曾東

孟舒國民人首鳥身其先主為警氏訓百禽夏后之世始食卵孟舒去之鳳凰隨焉

○異人

河圖玉板云龍伯國人長三十丈生萬八千歲而死大秦國人長十丈中秦國人長一丈臨洮人長三丈五尺

禹致宰臣於會稽防風氏後至戮而殺之其骨專車長狄喬如身橫九畝長五丈四尺或長十丈

秦始皇二十六年有大人十二見于臨洮長五丈足迹六尺東海之外大荒之中有大人國焦僥氏長三丈時含神霧

日東北極人長九丈

東方有螳螂沃焦防風氏長三丈短人慶九寸遠夷之名雕題黑齒穿曾櫓耳天竺歧首

子利國人一手二足拳反曲

無啓民居穴食土無男女死埋之其心不朽百年還化為人細民其肝不朽百年而化為人皆穴居處二國同類也

蒙雙民昔高陽氏有同產而為夫婦帝放之此野相抱而死神鳥以不死草覆之七年男女皆活同頸二頭四手是蒙雙民

有一國亦在海中純女無男又說得一布衣從海浮出其身如中國人衣兩袖長二丈又得一破船隨波出在海岸邊有一人項中復有面生得與語不通不食而死其地皆在沃

沮東大海中

南海外有鮫人水居如魚不廢織績其眼能泣珠

嘔絲之野有女子方跪據樹而嘔絲北海外也江陵有猛人能化為虎俗又云虎化為人好著紫葛人足無踵

○異俗

日南有野女群行見丈夫狀鳥目裸袒無衣褲越之東有駭沐之國其長子生則解而食之謂之宜象父死則負其母而棄之言鬼妻不可

與同居周日用曰既其母為鬼妻則其為鬼
犬豕一類猶應乃然也

楚之南有炎人之國其親戚死朽之肉而弃之然
後埋其骨乃為孝也

秦之西有義渠國其親戚死聚柴積而焚之

之即烟上謂之登遐然後為孝此上以為政

下以為俗中國未足為非也此事見墨子周

用曰此事無幾佛國之法且如乎是乎中國之徒亦如此也

荆州極西南界至蜀諸民曰獠子婦人姓娘七

月而產臨水生兒便置水中浮則取養之沉

便弃之然千百多浮既長皆拔去上齒牙各
一以為身飾

母丘儉遣平領追高句麗王宮盡沃沮東界問

其耆老言國人常乘船捕魚遭風吹數十日

東得一島上有以言語不相曉其俗常以七

夕取童女沉海

交州夷名曰俚子俚子屍長數尺箭長尺餘以

燧銅為鎬塗毒藥於鎬鋒中入即死不時歛

藏即臍脹沸爛須臾燧煎都盡唯骨耳其俗

誓不以此藥治語以治之飲婦人月水及糞

汁時有差者唯射猪犬者無他以其食糞故也
也。燧銅者故燒器其長老唯別燧銅聲以物
杵之徐聽其聲得燧毒者偏鑿取以為箭鏑
景初中蒼梧吏到京云廣州西南接交州數郡
桂林晉興寧浦間人有病將死便有飛蟲大
如小麥或云有甲在舍上人氣絕來食亡者
雖復撲殺有斗斛而來者如風雨前後相尋
續不可斷截肌肉都盡唯餘骨在更去盡貧
家無相纏者或殞殮不時皆受此弊有物力
者則以衣服布帛五六重裹亡者此蟲惡梓

木氣即以板郭防左右并以作器此蟲使不
敢近也。入交界更無轉近郡亦有但歲少耳

○異產

漢武帝時弱水西國有人乘毛車以渡弱水來
敵香者帝謂是常香非中國之所乏不禮其
使留久之帝幸上林苑西使于乘輿聞於奏
其香帝取之者大如鷲卵三枚與棗相似帝
不悅以付外庫後長安中大疫宮中皆疫病
帝不舉樂西使乞見請燒所貢香一枚以辟
疫氣帝不得已聽之宮中病者登自並差長

安百里咸聞香氣芳積九月餘日香由不歇
帝乃厚禮發遣餞送
一說漢制獻香不滿斤西使臨去乃發香氣如大
豆者拭著宮門香氣聞長安數十里經數日
乃歇

漢武帝時西海國有獻膠五兩者帝以付外庫
餘膠半兩西使佩以自隨後後武帝射於甘
泉宮帝弓弦斷後者欲更張弦西使乃進乞
以所送餘香膠續之座上左右莫不恠西使
乃以口濡膠為以住斷弦兩頭相連注弦遂

相著帝乃使力士各引其一頭終不相離西
使曰可以射終日不斷帝大恠左右稱奇因
名曰續弦膠

周書曰西域獻火浣布昆吾氏獻切玉刀火浣
布汙則燒之則潔刀切玉如臈布漢世有獻
者刀則未聞

魏文帝黃初三年武都西都尉王褒獻石膽二
十斤四年獻三斤

臨功火井一所後廣五尺深二三丈井在縣南
百里昔時人以竹木投以取火諸葛丞相往

視之後火轉盛熱盆蓋井上煮鹽得益入以家火即滅訖今不復燃也酒泉延壽縣南山名火泉火出如炬

徐公曰西域使王暢說石流黃出足弥山去高昌八百里有石流黃數十丈徑廣五六十畝有取流黃晝視孔中上狀如烟而高數尺夜視皆如燈光光明高尺餘暢所親見之也言時氣不和皆往保此山

博物志卷第二

博物志卷第三

晉司空張華茂先撰

汝南司日用等注

○異獸

漢武帝時大苑之北胡人有獻一物大如狗然聲能驚人雞犬聞之皆走名曰猛獸帝見之恠其細小及出苑中欲使虎狼食之虎見此獸即低頭著地帝為反觀見虎如此欲謂下頭作勢起搏殺之而此獸見虎甚喜舐唇搖尾徑往虎頭上立因搦虎面虎乃閉目低頭

匍匐不敢動搦鼻下去下去之後虎尾下頭
夫此獸在之虎輒閉目

後魏武帝伐冒頓經白狼山逢獅子使入格之
殺傷甚衆王乃自率常從軍數百擊之獅子
哮吼奮起左右咸驚王忽見一物從林中出
如狸起上王車輓獅子將至此獸便跳起上
師子頭上即伏不敢起於是遂殺之得獅子
王還來至洛陽三千里雞犬皆伏無鳴吠
魏武伐冒頓經白狼山逢獅子使格之見一物
竹中出如狸上帝車輓上獅子將至便跳

上獅子頭獅子伏不敢起遂殺之得獅子還
至四十里雞犬皆無鳴吠

九守有神牛乃生谿上黑出時共鬪即海沸黃
或出鬪岸上家牛皆怖人或遮則霹靂號曰
神牛

昔日南貢四象各有雌雄其一雄死於九真乃
至南海百有餘日其雌塗土著身不飲食空
卧草人問其所以聞之輒流涕矣

越嵩國有牛稍割取肉牛不死經日肉生如故
太宛國有汗血馬天馬種漢魏時西域有獻者

文馬赤鬣身白似若黃金名古黃之乘復薊之
露犬也能飛食虎豹

蜀山南高山上_三有物如狢狢長七尺能人行健
走名曰狢狢一名化或曰狢狢同行道婦女
有_力好者輒盜之_テ以去人不得知行者或每遇
其旁皆以長繩相引然故不免此得男女氣
自死故取男也取去為室家其年少者終身
不得還十年之後形皆類之意亦迷惑不復
思歸有子者輒俱送還其家產子皆如人有
不食養者其母輒死故無敢不養也及長與

久不異皆以楊為姓故今蜀中西東多謂楊
率皆狢狢化之子孫時時相有狢狢者也

小山有獸其形如鼓一足如蠡澤有委蛇狀如

轂長如轆見之者霸

猩猩若黃狗人面能言

○異鳥

崇丘山有鳥一足一翼一目相得而飛名曰

見則吉良乘之壽千歲

比翼鳥一青一赤在參嶠山

有鳥如鳥人首白喙赤足曰精衛故精衛常取

西山之木石以填東海

越地深山有鳥如鳩青色名曰冶鳥穿天樹作
巢如升器其戶口徑數寸周飾以土堊赤白
相次狀如射侯伐木見此樹即避之去或夜
冥人不見鳥鳥亦知人不見已也鳴曰咄咄
去明日便息急上樹去咄咄下去明日便宜
急下若使去但言笑而不已者可止伐也若
有穢要及犯其止者則虎通夕采守人不知
者即害人此鳥白日見其形鳥也夜聽其鳴
人也時觀樂便作人悲喜形長三尺澗中取

石蟹就火間炙之不可犯也越人謂此鳥
為越祝之祖

○異蟲

南方有落頭蟲其頭能飛其種人常有所祭祀
號曰蟲落故因取之焉以其飛因服便去以
耳為翼將曉還復著體其時往往得此人也
江南山谿中水射工蟲甲類也長一二寸口中
有弩形氣射人影隨所著處發瘡不治則殺
人令鸚鵡蟲溺人影亦隨所著處生瘡日廬氏
鷄腸草揚塗經日即愈周日用日萬物皆有
所相感愚聞以霹靂木擊鳥影其鳥應時落

地雖未嘗試以是類之必有之

蝮蛇秋月毒盛無所螫螫草木以泄其氣草

木即死人樵採設為草木所傷刺者亦殺人

毒治於螻蛄謂之蛇迹也

華山有蛇名肥遺六足四翼見則天下大旱

常山之蛇名牽然有兩頭觸其一頭頭至觸其

中則兩頭俱至孫武以喻善用兵者

○異魚

南海有鰐魚狀似鼉斬其頭而乾之去齒而更

生如此者三乃上

東海中有半體魚其形狀如牛剥其皮懸之潮

水至則毛起潮去則毛伏

東海蛟錯魚生子子驚還入母腸尋復出

吳王江行食鱠有餘棄於中流化為魚今魚中

有名吳王鱠餘者長數寸大者如筋猶有鱠

形

廣陵陳登食膾作病華佗下之膾頭皆成虫尾

猶是膾

東海有物狀如凝血從廣數尺方負名曰鮫魚

無頭自處所內無藏衆蝦附之隨其東西入

煮食之

○異草木

太原晉陽以化生屏風草

海上有草焉名飾其實食之大如麥七月稔熟

名曰自然谷或曰禹餘糧飾音師

堯時有屈佚草生於庭倭人入朝則屈而指之

一名指倭草

右詹山帝女化為詹草其葉鬱茂其花黃實如

豆服者媚於人

止此山多竹長千仞鳳食其實去九疑萬八千

里

江南諸山郡中大樹斷倒者經春夏生菌謂之

樁食之有味而忽毒殺人云此物徃往自有

毒者或云蛇所著之楓樹生者啖之令人笑

不得止治之飲土漿即愈

博物志卷第三

[Faint bleed-through text from the reverse side of the page]

博物志卷第四

晉司空張華茂先撰

汝南周日用等注

○物性

九竅者胎化八竅者卵生龜鼈皆此類咸卵生

影伏

白鷓雉雌相祝則孕或曰雄鳴上風則雌孕

兔舐毫望月而孕口中吐子舊有此說余固所

見也

大腰無椎龜鼈類也無椎與蛇通氣則孕細腰

無雌蜂類也

取桑蚕則阜蠶子况而成子詩云螟蛉之子螺羸負之是也

蚕三化先孕而後交不可者亦產子子後為堅皆無眉自易傷收採亦薄

鳥雌雄不可別翼右掩左雄左掩右雌二足而翼謂之禽四足而毛謂之獸

鵲巢門戶背太歲得非才智也

鸚雉長毛雨雪惜其尾栖高樹杪不敢下食往往餓死時魏景初中天下所說

鵲水鳥也伏卯時卯冷則不沸取巖石用繞卯

以時助燥氣故方術家以鵲巢中巖石

山雞有美毛自愛其色終日映水目眩則溺死

龜三千歲旋於卷耳之上

屠龜解其肌肉唯腸連其頭而經百不死猶能齧物鳥往食之則為所得漁者或以張鳥神

蛇復續

蟾螿以背行快於足用

周官云貉不渡汶水鸚不渡濟水魯國無鸚鷁來巢記異也

橘渡江北化為枳今之江東甚有枳橘
百足一名馬蚊中斷成兩段各行而去

○物理

凡月暈隨灰畫之隨所畫而闕淮南子云未詳其法
麒麟鬪而日蝕鯨魚死則彗星出嬰兒號婦乳
出

莊子云地三年種蜀黍其後七年多蛇
積艾草三年後燒津液下流成鉛錫已試有驗
煎麻油水氣盡無烟不復沸則還冷可內手攪
之得水則焰起散卒不滅此亦試之有驗

庭州灑水以金銀鐵器盛之皆漏唯瓠葉則不
漏

龍肉以醢漬之則文章生
積油滿萬石則自然生火武帝泰始中武庫火
積油所致

○物類

燒鉛錫成胡粉猶類也
燒丹朱成水銀則不類物同類異用者
石 魏文帝所記諸物相似亂者
武夫恠石似美玉 蛇牀亂藤蕪

薺芫亂入參

杜衡亂細辛

雄黃似石流黃

鱖魚相亂以有大小相異

敵休亂門冬

百部似門冬

房葵似狼毒

鈎吻草與葎華相似

拔楔與葎蕪相似一名狗脊

○藥物

烏頭天雄附子一物春秋冬夏採各異也

遠志苗曰小草根曰遠志

芎藭苗曰江離根曰芎藭

菊有二種苗花如一唯味小異苦者不中食

野葛食之殺人家葛種之三年不收後旅生亦

不可食

神仙傳云松柏脂入地千年化為茯苓茯苓化

為琥珀琥珀一名江珠今泰山出茯苓而無

琥珀益州永昌出琥珀而無茯苓或云燒蜂

窠所作未詳此二說

地黃藍首斷心分根菜種皆生女蘿寄生兔絲

兔絲寄生木上生根不著地

董花朝生夕死

○藥論

神農經曰上藥養命謂五石之練形六芝之延年也中藥養性合歡蠲忿萱草忘憂下藥治病謂大黃除實當歸止痛夫命之所以延性之所以利痛之所以止當其藥應於痛也偉其藥失其應即怨天尤人設鬼神矣

神農經曰藥物有大毒不可入口鼻耳目者即

殺人一曰鈎吻盧氏曰陰地黃精不相二曰鴆

狀如雌鷄生中山三曰陰命赤色著木懸其子出

海中四曰內童狀如鵝亦生海中五曰鴛羽如雀

黑頭赤喙亦曰蝟蛇生海中雄曰蝟雌曰蝟蛇也

神農經曰藥種有五物一曰狼毒占斯解之二

曰巴豆藿汁解之三曰黎蘆湯解之四曰天

雄烏頭大豆解之五曰班茅戎鹽解之毒菜

害小兒乳汁解先食飲二升

○食忌

人啖豆三年則身重行止難

啖榆則眠不欲覺

啖麥稼令人力健行

飲真茶令人少眠

人常食小豆令人肥肌麓燥

食鷲麥令人骨節斷解
 人食鷲肉不可入水為蛟龍所吞
 人食冬葵為狗所齧瘡不差或致死
 馬食谷則足重不能行
 鴈食粟則翼重不能飛

○藥術

胡粉白石灰等以水和之塗鬢鬚不白塗訖著
 油單裏令温煖候欲燥未燥間洗之湯則不
 得著晚則多折用暖湯洗訖淨塗之欲染當
 熱洗鬢鬚有膩不著藥臨染時亦當拭鬢燥

温之

陳葵子微火炒令爆宅散著熟地遍蹋之朝種
 暮生速不過經宿耳

陳葵子秋種覆蓋令經冬不死春有子也周日用

愚聞熟地植生菜蘭擣石流黃篩其土以
 盆覆之即時可待又以變白牡丹為五色皆
 以沃其根以紫草汁則變之紫紅花汁
 則變以紅並未試於理可為此出爾雅

燒馬蹄羊角成灰春夏散著濕地生羅勒
 鱧漆相合成為神仙藥服食方云

○戲術

削木令圓舉以向日以艾按後成其影則得火

取火法如用珠取火多有說者此未試

神農本草云雞卵可作琥珀其法取伏卵段黃

白渾雜者煮及尚軟隨意刻作物以苦酒漬

數宿既堅內著粉中佳者乃亂真矣此世所

恒用作無不成者

燒白石作白灰既訖積著地經日都冷遇雨及

水澆即更燃煙焰起

五月五日埋蜻蜒頭於西向戶下埋至三日不

食則化成青真珠又云埋於正中門

蜥蜴或名蜃蚌以器養之以朱砂體盡赤所食

滿七斤治擣萬杵點女人支體終年不滅唯

房室事則滅故號守宮傳云東方朔語漢武

帝試之有驗

取鼈挫令如碁子大擣赤莧汁和合厚以茅苞

五六日中作投地中經旬齋齋盡成鼈也

博物志卷第四

博物志卷第五

晉司空張華茂先撰
汝南周日用等注

○方士

魏武帝好養性法亦解方藥招引四方之術士
如左元放華佗之徒無不畢至周日用曰曹
道異如何招引方術之人乎如因左元放而
兼見殺者若非變化已至滅身故有道士不
試術親之矣既要

魏王所集方士名

上黨王真

隴西封君達

甘陵甘始

魯女生

譙國華佗字元化

東郭延年

唐雲

冷壽光

河南卜式

張貂

薊子訓

汝南費長房

鮮奴辜

魏國軍吏河南趙聖卿

陽城郗儉字孟節廬江左慈字元放

右十六人魏文帝東阿王仲長統所說皆能斷穀不食分形隱沒出入不由門戶左慈能變形幻人視聽厭刻鬼魅皆此類也周禮所謂

惟民王制稱挾左道者也

魏時方士甘陵甘始

廬江有左慈陽城有郗儉始能行氣導引慈曉房中之術善辟穀不食悉號二百歲人凡如此之徒武帝皆集之於魏不使避散甘始老而少容曹子建密問其所行始言木綿姓韓字世雄嘗與師於南海作金投數萬斤於海又取鯉魚一雙鯉遊行沉浮有若處淵其無藥者已熟而食言此藥去此喻遠萬里已不可行不能得也

皇甫隆遇青牛道士姓封名君達其餘養性法
即可放用天略云體欲嘗少勞無過虛食去
肥濃節酸鹹減思慮損喜怒除馳逐慎房室
施鴻秋冬閉藏詳別篇武帝行之有效

文帝典論曰陳思王曹植辯道論云世有吾王
悉招至之甘陵有甘始廬江有左慈陽城有
郗儉始能行氣儉善辟穀悉號三百歲人自
王與太子及余之兄弟咸以為調笑不全信
之然嘗試郗儉辟穀百日猶興寢處行步起
居自若也夫人不食七日則死而儉乃能如

是左慈脩房中之術善可以終命然非有至
情莫能行也甘始老而少容自諸術士咸共
歸之王使郗孟節率領諸人

近魏明帝時河東有焦生者裸而不衣屢火不
焦入水不凍杜恕為太守親所呼見皆有實
事周日用曰焦孝然避河居一菴大雪庵一
人巳為死而視之蒸氣於雪畧無交色時
或折薪惠人而巳故魏書云自義皇以來一人而已

穎川陳元方韓元長時之通才者所以並信有
仙者其父時所傳聞河南密縣有成公其人
出行不知所至復來還語其家云我得仙因

與家人辭訣而去其步漸高良久乃没而不見至今密縣傳其仙去二君以信有仙蓋由此也惟日用日豈

桓譚新論說方士有董仲君罪繫獄佯死臭自陷出既而復生

黃帝問天老曰天地所生豈有食之令人不死者乎天老曰太陽之草名曰黃精餌而食之可以長生太陰之草名曰鉤吻不可食入口立死人信鉤吻之殺人不信黃精之益壽不亦惑乎調日用日草既殺入仍無益壽者則益壽不可信矣

○服食

左元放荒年法擇木豆麤細調勻必令熟按之令有光煙氣徹豆心內先不食一日以冷水頓服訖其魚肉菜果不得復經口渴即飲水慎不可煖飲初小困十數日後體力壯健不復思食

鮫法服三升為劑亦當常々先食多少增損之盛豐欲還者煮葵子及脂蘇服肉羹漸漸飲之須豆下乃可食豆未盡而以實物腸塞則殺入矣此未試或可以然周日用日餅法

熱即塗即以意量多少即食之如常渴即飲冷水忌熱茶耳

孔子家語曰食水者乃耐寒而苦浮食土者無心不息食木者多而不治食石者肥澤而不老食草者善走而愚食桑者有緒而蛾食肉者勇而悍食氣者神明而壽食穀者智慧而天不食者不死而神仙傳曰惟食者百病妖邪之所鍾焉

西域有蒲萄酒積年不敗彼俗云可十年飲之醉彌月乃解所食愈少心開逾益所食逾多心逾塞年逾損

馬

○辨方士

漢淮南王謀反被誅亦云得道輕舉周日用曰漢書云淮南

南自刑應不然下得道輕舉非虛事也至全淮揚境內馬迹猶存且曰與成公同慶皆上品真人耳既談道德青圖反逆之事况恒行陰旨好書鼓不善弋獵淮南內書言神仙黃白之術去反事遠矣夫古令書傳多黜仙道者慮帝王公侯廢萬機而慕其道故急而不書唯老耻不可掩而云二百歲後西遊流以不知所之庚書云蜀有女道士謝自然白日上昇此外歷代史籍未嘗言也

鈞弋夫人被殺於雲陽而言尸解柩空周日用

夫人被大風拔樹揚沙揭石亦不云尸解柩空

文典論云議郎李暉學都儉辟穀服茯苓飲水中不塞洩痢殆至殞命軍祭酒弘農董芬學甘始鳩視狼頭呼吸吐納為之過差氣閉不通良久乃蘇寺人嚴峻就左慈學補道之術闡豎真無事於斯而逐聲若此

又云王仲統云甘始左元放東郭延年行客成御婦人法並為丞相所錄附行其術亦得其驗降就道士劉景受雲母九子元方年三百歲莫知所在武帝恒御此藥亦云有驗劉德治淮南王獄得枕中鴻寶祕書及子向感

而竒之信黃白之術可成謂神仙之道可致卒亦無驗乃以罹罪也周日用之匪一日神仙之道可得黃白者也仍須有分昇騰者應須有骨安可偶然而得効也

劉根不覺飢渴或謂能忍盈虛王仲都當盛夏之月十爐火炙之不熱當嚴冬之時裸之而不寒恒山君以為性耐寒暑恒山以無仙道好竒者為之前者已述焉

司馬遷云無堯以天下讓許由事楊雄亦云誇大者為之楊雄又云無仙道栢譚亦同

